


唐詩類苑



唐詩類苑第二十二卷

仁和卓明卿澂父編輯

華亭張之象玄超

長洲毛文蔚豹孫同校

帝王部

帝王

李白君道曲一首

大君若天覆廣運無不至
軒后爪牙常先太山稽如
心之使臂小白鴻翼於夷
吾劉葛魚水本無二土校
可成牆積德為厚地

新羅王德真織錦作太平詩一首

大唐開洪業巍巍皇猷昌止戈戎衣定修文繼百王
統天崇兩施理物體含章深仁諧日月撫運邁陶唐
幡旗何赫赫鉦鼓何鏗鏘外夷違命者剪覆被天殃
淳風凝宇宙遐邇競呈祥四時調玉燭十耀巡萬方
維嶽降宰輔維帝任忠良三五成一德昭我唐家光

大和第一

國門卿相舊山莊聖主移來宴綠芳簾外輾爲車馬
路花間踏出舞人塲

第二

谷鳥尚含天樂囀寒風猶帶御衣香爲報碧潭明月
夜會須留賞待君王

第三

庭前鵲遠相思樹井上鶯歌爭刺桐含情少婦悲春
草多是良人學轉蓬

第四

塞北江南共一家何人淚落怨黃沙春酒半酣千日
醉庭前還有落梅花

第五徹

我皇應運太平年四海朝宗會百川自古幾多明聖

主不如今帝勝堯天

王維太平詞二首

風俗今和厚君王在穆清行看探花曲盡是太階平

又

聖德超千古皇威靜四方蒼生今息戰無事覺時長

張仲素聖明樂三首

玉帛殊方至歌鍾比屋聞華夷今一貫同賀聖明君

又

海浪恬丹徼邊塵靖黑山從今萬里外不復鎮蕭關

又

九陌祥煙合千春瑞月明宮花將苑柳先發鳳凰城

李嶠奉和皇帝丘禮撫事述懷應制一首

配極輝光遠承天願託隆負圖濟多難脫履歸成功

聖道昭求錫邕言尚在躬還推萬方重咸仰四門聰

恭已忘自逸因人體至公垂旒滄海晏解網法星空

雲散天五色春來日冉中稱觴合纓弁率舞應絲桐

凱樂深居鎬傳歌盛飲豐小臣濫簪筆無以頌唐風

陳子昂奉和皇帝丘禮撫事述懷應制一首

大君忘物我膺運居紫宸揖讓期明辟謳歌且順人

軒宮帝國盛皇極禮容申南面朝萬國東堂會百神

唐詩類苑 卷之二十一 帝三
雲陛旂常滿天廷玉帛陳鐘石和睿思雷雨被深仁
承平信娛樂王業本艱辛願罷瑤池宴來觀農菑春
卑宮昭夏德尊老睦堯親微臣敢拜手歌舞頌維新
中宮部

中宮

鄭愔陪幸昭容院獻詩四首

地軸樓居遠天台闕路賒何如遊帝宅卽此對仙家
座拂金壺電池搖玉酒霞無云秦漢隔別訪武陵花

又

堯祠姑射近漢苑建章連十五莫知月三千桃紀年

鸞歌隨鳳吹鶴舞向鷓絃更覓瓊妃伴來過玉女泉

又

宮掖賢才重山林高士難不言辭輦地更有結廬歡
池棟清溫燠巖窓起沍寒幽亭有仙桂聖主萬年看

又

槎流天上轉茅宇禁中開河鵠填橋至山熊避檻來
庭花採露葺巖石步莓苔願奉羅圖泰長聞錦翰裁

儲宮部

太子

盧僎上幸皇太子新院應制一首

佳氣曉葱葱乾行人震宮前星迎北極少海被南風
視膳銅楼下吹笙玉座中訓深家以正義舉俗為公
父子成釗合君臣禹啓同仰天歌聖道猶愧乏彫蟲

韓王元嘉奉和同太子監守遼恋一首

乾象開層構離明啓少陽卜征從獻吉守噐屬元良
逝矣凌周誦遙哉掩漢莊地分丹鷲嶺途間白雲鄉
好士傾南洛多才盛北場儲誠虔曉夕宸愛積炎涼
珠璧連霄漢萬物仰重光

薛元超奉和同太子監守遼戀一首

儲禁銅扉啓宸行玉輅遙空懷壽街吏尚隔寢門朝

地首瞻龍戟空中想鳳鑣飛文映仙榜瀝思叶神飆
帝念紆蒼陸乾文煥紫霄歸塘橫筆海平圃振詞條
欲應重輪曲鏘洋韻九韶

諸王部

諸王

玄宗過大哥山池一首

澄潭皎鏡石崔嵬萬壑千巖暗綠苔林亭自有幽真
趣况復秋深爽氣來

張說奉和聖製遊寧王山池一首

池如明鏡月華開山學香爐雲氣來神藻飛為鶴鷁

唐詩類苑 卷之十三 賦仙聲颺出鳳凰臺

李白永王東巡歌十一首

永王正月東出師天子遙分龍虎旗樓船一舉風波
靜江漢翻爲鴈鷺池

三川北虜亂如麻四海南奔似永嘉但用東山謝安
石爲君談笑靜胡沙

雷鼓嘈嘈喧武昌雲旗獵獵過潯陽秋毫不犯三吳
悅春日遙看五色光

龍蟠虎踞帝王州帝子金陵訪古丘春風試暖昭陽
殿明月還過鳩鵲樓

二帝巡遊俱未回五陵松柏使人哀諸侯不救河南
地更喜賢王遠道來

丹陽北固是吳關畫出樓臺雲水間千巖烽火連滄
海兩岸旌旗繞碧山

王出三江按五湖樓船跨海次陪都戰艦森森羅虎
士征帆一一引龍駒

長風佳席勢難迴海動山傾古月摧君看帝子浮江
日何似龍驤出峽來

祖龍浮海不成橋漢武潯陽空射蛟我王樓艦輕秦
漢却似文皇欲度遼

唐詩類苑 卷之十一 帝 十一
帝寵賢王入楚閔掃清江漢始應還初從雲夢開朱
邸更取金陵作小山
試借君王玉馬鞭指麾戎虜坐瓊筵南風一掃胡塵
靜西入長安到日邊

玄宗過大哥宅一首

魯衛情先重親賢愛轉多冕旒豐暇日乘景暫經過
戚里申高宴平臺奏雅歌復尋爲善樂方驗保山河

張說奉和聖製過寧王宅應制一首

進酒忘憂觀簫韶喜降尋帝堯敦俗禮王季友兄心
竹苑龍鳴笛梧宮鳳繞琴大風將小雅一字重千金

玄宗同玉真公主過大哥山池題石壁一首

地有招賢處人傳樂善名鷺池尋九達龍岫對層城
桂葉先秋冷蘋風向晚清鳳樓遙可見彷彿玉簫聲

張說奉和聖製同玉真公主過寧王山池題

石壁應制一首

綠竹初成苑丹沙欲化金乘龍與驂鳳歌吹浦山林
爽氣凝波迴寒光映浦深忘憂題此觀爲樂賞同心

張九齡勅賜寧王池宴一首

賢王有池館明主賜春遊淑氣林間發恩光水上浮
徒叅和鼎地終謝巨川舟皇澤空如此經生莫可辭

范朝寧玉山池一首

水勢臨堦轉峯形對路開
槎從天下得石是海邊來
瑞草分叢種祥花間色
栽舊傳詞賦客唯見有鄒枚
李敬玄奉和別越王一首

飛蓋迴蘭坂宸襟佇栢梁
別館分涇渭歸路指衡漳
関山通曙色林籞徧春光
帝念紆千里詞波照五潢
張大安奉和別越王一首

盛藩資右戚連萼重皇情
離襟愴睢苑分途指鄴城
麗日開芳甸佳氣積神京
何時驂駕入還見謁承明
劉禕之奉和別越王一首

周屏辭金殿梁驂整玉珂
管聲依折柳琴韻動流波
鶴蓋分陰促龍軒別念多
延襟小山路還起大風歌

魏元忠修書院學士奉勅宴梁王宅賦得門
字一首

大君敷宴賞萬乘下梁園
酒助賢王樂人霑雨露恩
榮光開帳殿佳氣滿旌門
願陪南岳壽長奉北宸尊
張說修書院學士奉勅宴梁王宅賦得樹字
一首

虎殿成鴻業猿巖題鳳賦
旣荷大君恩還蒙小山遇
秋吹迎絃管涼雲生竹樹
共惜朱卽歡無辭洛城暮

張諤三日岐王宅一首

玉女貴妃生髮姑始發聲金盃浴未了綉子繡初成
翡翠雕芳褥真珠帖小纓何時學健步拾取落花輕

張諤岐王山亭一首

王家傍綠池春色止相宜豈值樓臺好兼看草樹奇
石榴天上葉椰子日南枝出入千門裏年七樂未移

王維從岐王過楊氏別業應教一首

楊子談經所淮王載酒過興闌啼鳥換坐久落花多
逕轉迴銀燭林開散玉珂嚴城時未啓前路引笙歌

李白寄上吳王一首

坐嘯廬江靜閒聞進玉觴去時無一物東壁挂胡牀

李白寄上吳王一首

淮王愛入公携手綠雲中小子忝枝葉亦攀丹桂叢
謬以詞賦重而將枚馬同何日背淮水東之觀士風
英明廬江守聲譽廣平籍洒掃黃金臺招邀青雲客
客曾與天通出入清禁中襄王憐宋玉願入蘭臺宮

祖詠宴吳王宅一首

吳王承國寵列第禁城東連夜徵詞客當春試舞童
砌分池水岸窓度竹林風更待西園月金樽樂未終

杜甫戲作上漢中王一首

唐詩類苑 卷之十二 五言 九
雲裏不聞雙鴈過掌中貪見一珠新秋風嫋七吹江
漢只在他鄉何處人

謝安舟楫風還起梁苑池臺雪欲飛杏七東山携妓
去冷七脩竹待王歸

杜甫戲題寄上漢中王三首

西漢親王子成都老客星百年雙白髮一別五秋螢
恐斷杯中物抵看座右銘不能隨皂蓋自醉逐浮萍

又

策杖時能出玉門異昔遊已知嗟不起未許醉相留
蜀酒濃無敵江魚美可求終思一酌酌淨掃鴈池頭

又

群盜無歸路衰顏會遠方尚憐詩警策猶憶酒顛狂
魯衛彌尊重徐陳略喪亡空餘枚叟在應念早昇堂

杜甫奉漢中王手札一首

國有乾坤大王今叔父尊剖符來蜀道歸蓋取荆門
峽險通舟峻江長注海奔主人留上客避異得名園
前後緘書報分明饌玉恩天雲浮絕壁風竹在花軒
已覺良宵永何看駭浪翻人期朱邸雪朝旁紫微垣
枚乘文章老河間禮樂存悲秋宋玉宅失路武陵源
淹薄俱崖口東西異石根夷音迷死尺鬼物傍黃昏

唐詩卷之十二
大馬誠爲戀，徂程不足論。從容草奏罷，宿昔奉清樽。
杜甫贈特進汝陽王二十二韻一首

特進群公表，天人夙德升。雲蹄千里駿，風翮九霄鵬。
服禮求毫髮，推忠忘寢興。聖情常有眷，朝退若無憑。
仙醴來浮蟻，竒毛或賜鷹。清閑塵不雜，中使日相乘。
晚節嬉遊簡，平居孝義稱。自多親棗萼，誰敢問山陵。
學業醇儒富，辭華哲匠能。筆飛鸞聳立，章罷鳳騫騰。
精理通談笑，忘形向友朋。寸腸堪繾綣，一諾豈驕矜。
已忝歸曹植，何如對李膺。招要恩屢至，崇重力難勝。
披霧初歡夕，高秋爽氣澄。樽壘臨極浦，鳧宿張燈。

花月窮遊宴，炎天避鬱蒸。硯寒金井水，簷動玉壺冰。
瓢飲唯三迳，巖栖在百層。謬持螽測海，况挹酒如澠。
鴻寶全寧秘，丹梯庶可陵。淮王門有客，終不愧係登。

楊思玄奉和別魯王一首

元王詩傳博，文后寵靈優。鶴蓋動宸眷，龍章送遠遊。
函關踈別道，灞岸引行舟。北林分苑樹，東流溢御溝。
鳥聲含羽碎，騎影曳花浮。聖澤九垓普，天文七曜周。
方圖獻雅樂，簪帶奉鳴球。

李敬玄奉和別魯王一首

綠車旋楚服，丹蹕佇秦川。珠臯轉歸騎，金岸引行旃。

唐詩類外 卷之十二 五言 十一
一朝限原隰千里間風煙鶯喧上林谷鳥響御溝泉
斷雲移魯蓋離歌動舜絃別念凝神袞崇恩洽玳筵
顧惟慙叩寂徒自仰鈞天

劉憲陪幸五王宅應制一首

北斗樞機任西京肺腑親疇昔王門下今茲御幸晨
恩光山水被聖作管絃新遶坐薰紅藥當軒暗綠筠
摘荷纔早夏聽鳥尚餘春行漏今徒晚風烟起觀津
李又陪幸五王宅應制一首

家住千門側亭臨二水傍遺遊開北第宸睠幸西鄉
曳履迎中谷鳴絃出後堂浦疑觀萬象峯似駐三光

草向瓊筵樂花承繡袞香聖情恩舊重畱飲賦雕章

杜甫別李義府一首

神堯十八子十七王其門道國及舒國寔惟親弟昆
中外貴賤殊余亦忝諸孫丈人嗣土業之于白玉溫
道國繼德業請從丈人論丈人領宗卿肅穆古制敦
先朝納諫諍直氣橫乾坤子建文章壯河間經術存
溫克富詩禮骨清慮不喧洗然遇知己談論淮湖奔
憶昔初見時小襦繡芳菰長成忽會面慰我又疾魂
三峽春冬交江山雲霧昏正宜且聚集恨此當離樽
莫怪執盃遲我衰涕唾煩重問子何之西上岷江源

願子少干謁蜀都足戎軒誤失將帥意不如親故恩
少年早歸來梅花已飛翻努力慎風水豈惟數盤殮
猛虎卧在岸蛟螭出無痕王子自愛惜老夫困石根
生別古所嗟發聲爲尔吞

杜甫哀王孫一首

長安城頭頭白烏夜飛延秋門上呼又向人家啄大
屋屋底達官走避胡金鞭斷絕九馬死骨肉不待同
馳驅腰下寶玦青珊瑚可憐王孫泣路隅問之不肯
道姓名但道困苦乞爲奴已經百日竄荆棘身上無
有完肌膚高帝子孫盡高準龍種自與常人殊豺狼

在邑龍在野王孫善保千金軀不敢長語臨交衢且
爲王孫立斯湏昨夜東風吹血腥東來橐駝滿舊都
湖方健兒好身手昔何勇銳今何愚竊聞太子已傳
位聖德北服南單于花門弊面請雪耻慎勿出口他
人狙哀哉王孫慎勿踈五陵佳氣無時無

杜甫衡州送李大夫七丈勉赴廣州一首

斧鉞下青冥樓船過洞庭北風隨爽氣南斗避文星
日月籠中鳥乾坤水上萍王孫丈人行垂老見飄零

杜甫送李向擘一首

王子思歸日長安已亂兵霑衣問行在走馬向承明

暮景巴蜀僻春風江漢清晉山雖自棄魏闕尚含情

唐詩類苑第二十二卷終

唐詩類苑第二十三卷

仁和卓明卿澂父編輯

華亭張之象玄超

長洲毛文蔚豹孫同校

帝戚部

公主

杜審言和常承慶過義陽公主山池五首

野興城中發朝英物外求情懸朱紱望契動赤泉遊

海燕巢書閣山鷄舞畫樓兩餘清晚夏共坐北岵幽

又

唐詩卷之十三 月音
逕轉危峯逼橋危缺岸妨玉泉移酒味石髓換粳香
縮霧青絲弱牽風紫蔓長猶言宴樂少別向後池塘

又

携琴逸碧沙搖葦弄青霞杜若幽庭草芙蓉曲沼花
宴遊成野客形勝得山家往往番仙步登攀日易斜

又

攢石當軒倚懸泉度牖飛鹿麕街妓席鶴子曳童衣
園果嘗難遍池蓮摘未稀卷簾唯待月應在醉中歸

又

賞翫期他日高深愛此時池分八水背峯作九山疑

地靜魚偏逸人閑鳥欲欺青溪留別興更與白雲期

趙彥昭奉和初春幸太平公主南莊應制一

首

主第巖扃架鵲橋天門閭闔降鸞鑣歷亂旌旂轉雲
樹參差臺榭入煙霄林間花雜平陽舞谷裏鶯和弄
玉簫已陪沁水追歡日行奉茅山訪道朝

蘇頲奉和初春幸太平公主南莊應制一首

主第山門起灞川宸遊風景入初年鳳凰樓下交天
仗鳥鵲橋頭敞御筵往往花間逢綵石時時竹裏見
紅泉今朝羗蹕平陽館不羨乘槎雲漢邊

李邕奉和初春幸太平公主南莊應制一首
傳聞銀漢支機石復見金輿出紫微織女橋邊烏鵲
起仙人樓上鳳凰飛流風入座飄歌扇瀑水當階濺
舞衣今日還同犯牛斗乘槎共泛海潮歸

宋之問奉和初春幸太平公主南莊應制一
首

青門路接鳳凰臺素澹宸遊龍騎來澗草自迎香輦
合巖花應待御筵開文移北斗成天象酒迺南山作
壽杯此日侍臣將石去共歡明主賜金迴

沈佺期奉和初春幸太平公主南莊應制一

主家山第早春歸御輦春遊繞翠微買地鋪金曾作
埽尋河取石舊支機雲間樹色千花滿竹裏泉聲百
道飛自有神仙鳴鳳曲併將歌舞報春暉

李嶠奉和初春幸太平公主南莊應制一首
主家山第接雲開天子春遊動地來羽騎參差化外
轉霓旌搖曳日邊迴還將石榴調琴曲更取峯霞入
酒盃鸞輅已辭烏鵲渚簾聲猶送鳳凰臺

邵昇奉和初春幸太平公主南莊應制一首
沁園佳麗奪蓬瀛翠壁紅泉繞上京二聖忽從鸞殿
幸雙仙正下鳳樓迎花含步輦空間出樹雜帷宮盡

唐詩卷之十一 卷之十一 帝部
裏行無路乘槎窺漢渚徒知訪卜就君平

徐彥伯夜宴安樂公主宅一首

鳳樓開闔引明光花耐連添醉益香欲知帝女薰天
貴金歌欲柱夜成行

李適夜宴安樂公主宅一首

銀河半倚鳳凰臺玉酒相傳鸚鵡杯若見君平須借
問仙槎一去幾時來

劉憲夜宴安樂公主宅一首

曾軒洞戶旦新披度曲飛觴夜不疲綺綴玲瓏河色
曉珠簾隱映月華窺

崔日用夜宴安樂公主宅一首

銀燭金屏坐碧堂只言河漢動神光主家盛明歡不
極才子能歌夜未央

盧藏用夜宴安樂公主宅一首

侯家主第一時新上席華年不惜春珠釭綴月那知
夜玉竿流霞畏抵晨

馬懷素夜宴安樂公主宅一首

鳳樓窈窕凌三襲翠幌玲瓏瞰九衢複道中宵番宴
衍彌令上客想踟躕

薛稷夜宴安樂公主宅一首

唐詩類苑 卷之十一 帝部 四 安樂公主宅

秦樓宴喜月徘徊妓筵銀燭滿庭開坐中香氣排花
出羽後歌聲逐酒來

閻朝隱夜宴安樂公主宅一首

鳳凰鳴舞樂昌年蠟炬開花夜管絃半醉徐擊珊瑚
樹已聞鐘漏曉聲傳

常元旦夜宴安樂公主宅一首

主第新成銀作榜賓筵廣宴王為樓壺觴既卜仙人
夜歌舞疑停織女秋

李迥秀夜宴安樂公主宅一首

金榜岩峽雲裏開玉簫參差天際迴莫驚側弁還歸

路祗為平陽歌舞催

李乂夜宴安樂公主宅一首

牽牛南渡象昭回學鳳樓成帝女來平旦鷓鴣歌舞
席方宵鸚鵡獻酌盃

岑羲夜宴安樂公主宅一首

金榜重樓開夜扉瓊筵愛客未言歸時歡不覺銀河
曉盡醉那知玉漏稀

蘇頲夜宴安樂公主宅一首

車如流水馬如龍仙史高臺十二重天象初移漢西
轉可憐歌舞夜相從

武平一夜宴樂安公主宅一首

王孫帝女下仙臺
金榜珠簾入夜開
遽惜瓊筵歡正洽
惟愁銀箭曉相催

武平一侍宴安樂公主移入新宅應制同用

開字一首

紫漢秦樓敞
黃山魯館開
簪裾分上席
歌舞列平臺
馬既如龍至
人疑學鳳來
幸忻聯棣萼
何以接鄒枚

趙彥昭侍宴安樂公主移入新宅應制一首

雲物中京曉
天人外館開
飛橋像河漢
懸榜學蓬萊
北闕臨仙檻
南山送壽盃
一窺輪奐畢
慚慙棟梁材

李適侍宴安樂公主移入新宅應制一首

星橋他日創
仙榜此時開
馬向鋪錢埽
簫聞奉玉臺
人疑衛叔美
客似長卿才
借問遊天漢
誰能取石迴

沈佺期侍宴安樂公主移入新宅應制一首

初聞衡漢來
移住斗城隈
錦帳迎風轉
瓊筵拂霧開
馬香遺舊埽
鳳吹繞新臺
為問沉冥子
仙槎何處回

趙彥昭奉和幸安樂公主山莊應制一首

六龍齊軫御
朝曦
雙鷁維舟下
綠池飛觀仰
看雲外
聳浮橋直見
海中移
靈泉巧鑿天
孫渚孝筍能
抽帝女枝
幸願一生同
草樹年年歲
歲樂於斯

蕭至忠奉和幸安樂公主山莊應制一首

西郊窈窕鳳凰臺北渚平明法駕來
匝地金聲初度曲周堂玉溜且傳盃
灣路分游畫舟轉宮門相向碧
京開微臣此時承宴樂髮鬢疑從
早漢迴

李迥秀奉和幸安樂公主山莊應制一首

詰旦重門開警蹕傳言太主奉山林
是日迴輿羅萬騎此時歡喜賜千金
鷺羽鳳簫參樂曲荻園竹徑接
帷陰手舞足蹈方無已萬年千歲
奏薰琴

劉憲奉和幸安樂公主山莊應制一首

主家別墅帝城隈無勞海上覓蓬萊
沓石懸流平地

起危樓曲閣半天開庭莎作薦舞行
出浦樹相將歌棹迴此日風光與形
勝祇言併伴聖詞來

岑羲奉和幸安樂公主山莊應制一首

銀榜重樓出霧開金輿步輦向天來
泉聲迴入吹簫曲山勢遙臨獻壽杯
帝女含笑流飛電乾文動色象
昭回誠願北極拱堯日微臣抃舞詠
康哉

薛稷奉和幸安樂公主山莊應制一首

主家園囿極新規帝郊游豫奉天儀
歡宴瑤臺鑄京集賞賜銅山蜀道移
曲閣交映金精板飛花亂下珊瑚枝
借問今朝八龍駕何如昔日望仙池

蘇頲奉和幸安樂公主山莊應制一首
駸駸羽騎歷城池帝女樓臺向晚披
露灑旌旗雲外出風迴巖岫雨中移
當軒半落天河水迢迢全低月
樹枝簫鼓宸遊陪宴日和鳴
隻鳳喜來儀

沈佺期奉和幸安樂公主山莊應制一首
皇家貴主好神仙別業初開雲漢邊
山出盡如鳴鳳嶺池成不讓飲龍川
粧臺翠幌教春住舞閣金鋪借
日懸敬從乘輿來此地稱觴獻壽樂
鈞天

李適奉和幸安樂公主山莊應制一首

平陽金榜鳳凰樓沁水銀河鸚鵡洲
綵仗遙尋丹壑

裏仙輿鬢幸綠亭幽前池錦石蓮花
艷後領香鑪桂
蒞秋貴主稱觴萬年壽
遠輕漢武濟汾遊

李乂奉和幸安樂公主山莊應制一首

金輿王輦背三條水閣山樓望九霄
野外初迷七聖道
河邊忽覩二靈橋
懸冰滴滴依虬箭
清吹泠泠雜
鳳簫向晚平陽歌舞合
前溪更轉木蘭橈

帝元旦奉和幸安樂公主山莊應制一首

銀河南渚帝城隅帝輦平明出九衢
刻鳳蟠螭凌貴邸穿池疊石寫蓬壺
瓊簫暫下鈞天樂綺綴長懸明月珠
仙榜承恩爭旣醉方知朝野更歡娛

盧藏用奉和幸安樂公主山莊應制一首
皇女瓊臺天漢潯星橋月宇創山林飛蘿半拂銀題
影瀑布環流玉砌陰菊浦香隨鸚鵡泛簫樓韻逐鳳
凰吟瑤池駐蹕思方久璧月無文興轉深

馬懷素奉和幸安樂公主山莊應制一首

主家臺沼勝平陽帝幸歡娛樂未央掩映瑠窓交極
浦參差繡戶繞迴塘泉聲百處傳歌曲樹影千重對
舞行聖酒一霑何以報欣欣頌德奉時康

宗楚客奉和幸安樂公主山莊應制一首

玉樓銀榜枌嚴城翠蓋紅旂列禁庭日映層巖圖畫

色鳳搖雜樹管絃聲水邊重閣含飛動雲裏孤峯類
削成幸覩八龍遊閨苑無勞萬里訪蓬瀛

沈佺期同李舍人冬日宴安樂公主山池一

首

嘗聞天女貴家卽帝宮連亭挿冝春果山衝太液泉
橋低烏鵲夜臺起鳳凰年故事猶如此新圖更可憐
紫巖粧閣透青嶂妓臺懸峯奪香爐巧池偷明鏡圓
梅花寒待雪桂葉曉留烟興盡方投轄金聲還復傳

宋之問宴安樂公主宅得空字一首

英藩築外館愛王出王宮賓至星槎落僊來月宇空

唐詩卷之十一
卷之十一
九
玳梁翻賀燕金埒倚晴虹簫去秦臺裏書開魯壁中
短歌能駐日艷舞欲嬌風聞有淹留處山阿滿桂叢

劉憲侍宴長寧公主東莊一首

公主林園地清晨降玉輿畫橋飛渡水僊閣涌臨虛
晴新看蛺蝶夏早摘芙蓉文酒娛游盛忻叨侍從餘

鄭惜侍宴長寧公主東莊一首

公門襲漢皇主第稱秦王池架祥鱣宇山吹鳴鳳曲
拂席薜蘿垂迴舟芰荷觸平陽妙舞處日暮清歌續

李义侍宴長寧公主東莊應制一首

紫禁乘雷動青門訪水嬉上台鱣席慶僊女鳳樓期

合宴簪紳滿承恩雨露滋北宸還捧日東館幸逢時

崔寔侍宴長寧公主東莊應制一首

沁園東閣外襄駕一遊盤水榭宜時涉山樓向晚看
席臨天女貴林接近臣歡聖藻懸辰象徵臣切仰觀

李嶠侍宴長寧公主東莊應制一首

別業臨青甸鳴鑾降紫霄長筵鴛鷺集僊管鳳凰調
樹接南山近煙含北渚遙承恩咸已醉戀賞未還鑣

李適侍宴長寧公主東莊應制一首

鳳樓紆睿幸龍舸暢宸襟歌舞平陽第園亭沁水林
山花添聖酒澗竹繞薰琴願奉瑤池駕千春侍德音

李义奉和初春幸太平公主南庄應制一首

平陽館外有僊家
沁水園中好物華
地出東郊迴日
馭城臨南斗度雲車
風泉韻繞幽林竹
雨霰光搖雜
樹花已慶時來千億壽
還言日暮九重賒

張易之侍從過公主尚宅侍宴探得風字應

制一首

逐賞平陽第鳴笳
上苑東鳥鳴千房
竹蝶舞萬花叢
時攀小山桂共挹
大王風坐客無勞
起秦簫曲未終

儲光羲王真公主山居一首

山北天泉苑山西鳳女家
不言沁園好獨隱武陵花

王維奉和聖製幸玉霄公主山莊因題石壁

十韻之作應制一首

碧落風煙外瑤臺道路賒
如何連帝苑別自有仙家
比地迴鸞駕綠溪轉翠華
洞中開日月窓裏發雲霞
庭養冲天鶴溪留上漢查
種田生白玉泥竈化丹砂
谷靜泉逾響山深日易斜
御羨和石髓香飯進胡麻
大道今無外長生詎有涯
還瞻九霄上來往五雲車

駙馬

李白走筆贈獨孤駙馬一首

都尉朝天躍馬歸香風吹入花亂飛
銀鞍紫鞵照雲

唐詩類苑 卷之十一
日左顧右盼生光輝是時僕在金門裏待詔公車謁
天子長揖蒙垂國士恩壯心剖出醉知己一別蹉跎
朝市間青雲之交不可攀倘其公子重回顧何必候
羸長抱閔

獨孤及和常郎中尋楊駙馬不遇一首

金屋瓊臺蕭史家暮春三月渭川花到君仙洞不相
見謂已吹簫乘早霞

王維奉和楊駙馬六郎秋夜即事一首

高樓月似霜秋夜鬱金堂對坐彈盧女同看舞鳳凰
少兒多送酒小玉更焚香結束平陽騎明朝入建章

岑參崔駙馬山池重送宇文文明府一首

竹裏過紅橋花間藉綠苗池涼醒別酒山翠拂行鑣
鳳去粧樓閉鳧飛葉縣遙不逢秦女在何處聽吹簫

徐鼎贈溫駙馬汝陽王一首

疇昔承餘論文章幸濫推夜陪銀漢賞朝奉桂山詞
梁邱調歌日秦樓按舞時登高頻作賦體物屢爲詩
連騎長楸下浮觴曲水湄北堂番上客南陌送佳期
憶昨陪臨泛于今阻宴私稱看冬雪滿三見夏花滋
都尉朝青閣淮王侍紫墀寧知倦遊者華髮老京師

杜甫鄭駙馬潛躡宅宴洞中一首

唐詩類苑 卷之二十三 唐詩部 十一
主家陰洞細烟霧留客夏簟青琅玕春酒杯濃琥珀
薄水漿碗碧瑤瑤寒誤疑茅屋過江麓已入風磴霾
雲端自是秦樓壓鄭谷時開雜珮聲珊珊

唐詩類苑第二十三卷終

唐詩類苑第二十四卷

仁和卓明卿澂父編輯

華亭張之象玄超

長洲毛文蔚豹孫同校

職官部

相

高適古樂府飛龍曲畝上陳左相一首

德以精靈降時膺夢寐求蒼生謝安石天子富平侯
尊俎資高論巖廊挹大猷相門連戶牖卿族嗣弓裘
豁達雲開霽清明月映秋能爲吉甫頌善用子房籌

唐詩卷之十四 贈官部
階砌思攀陟門闌尚阻修高山不易仰大匠本難投
跡與松喬合心緣啓沃番公才山吏部書癖朴荊州
幸沐千年聖何辭一尉休折腰知寵辱迴首見沉浮
天地莊生馬江湖范蠡舟逍遙堪自樂浩蕩信無憂
去此從黃綬歸歟任白頭風塵與霄漢瞻望日悠悠

杜甫上韋左相二十韻一首

鳳曆軒轅紀龍飛四十春八荒開壽域一氣轉洪鈞
霖雨思賢佐丹青憶老臣應圖求駿馬驚代得麒麟
沙汰江河濁調和鼎鼐新甫賢初相漢范叔已歸秦
盛業今如此傳經固絕倫豫樟深出地滄海闊無津

北斗司喉舌東方領搢紳持衡留藻鑒聽履上星辰
獨步才超古餘波德照隣聰明過管輅尺牘倒陳遵
豈是也中物由來席上珍廟堂知至理風俗盡還淳
才傑俱登用愚蒙但隱淪長卿多病久子夏索居貧
回首驅流俗生涯似衆人巫咸不可問鄒魯莫容身
感激時將晚蒼茫興有神爲公歌此曲涕淚在衣巾

高適留上李右相一首

風俗登淳古君臣挹大庭深沉謀九德密切契千齡
獨立調元氣清心豁窅冥本枝連帝系長策冠生靈
傳說明殷道蕭何律漢刑鈞衡持國柄柱石總賢經

隱軫江山藻氛氲鼎彝銘興中皆白雪身外即丹青
江海呼窮鳥詩書問聚螢吹噓成羽翼提握動芳馨
倚伏悲還笑棲遲醉復醒恩榮初就列含育忝宵形
育竊立山惠無時枕席寧壯心瞻落景生事感流萍
莫以才難用終期善易聽禾爲門下客徒謝少微星
孫逖奉和李右相賞會昌林亭一首

賢相初陪蹕靈山本降神作京雄近縣開閣寵平津
地勝林亭好時清宴賞頻百泉縈草木萬井布郊畛
德與春和盛功將造化隣還憐渭濱叟歲晚獨垂綸

蘇味道在廣聞崔馬二御史並登相臺一首

振鷺纔飛日遷鶯遠聽聞明光共待涌清覽各披雲
喜得廊廟舉嗟爲臺閣分故林懷栢悅新渥阻蘭薰
冠去神羊影車迎瑞雉群遠從南斗外遙仰列星文

李白贈張相鎬二首

神器難竊弄天狼窺紫宸六龍遷白日四海暗胡塵
昊窮降元宰君子方經綸澹然養浩氣歛起持大鈞
秀骨象山嶽英謀合鬼神佐漢解鴻門生唐爲後身
擁旄秉金鉞伐鼓乘朱輪虎將如雷霆總戎向東巡
諸侯拜馬首猛士騎鯨鱗澤被魚鳥悅令行草木春
聖智不失時建功及良辰醜虜安足紀可貽慙與巾

唐詩類苑 卷之十四
倒瀉溟海珠盡爲人慕珍馮異獻赤伏鄧生倏來臻
庶同昆陽舉再覩漢儀新昔爲管將鮑中奔吳隔秦
一生欲報主百代期榮親其事意不就哀哉難重陳
卧病宿松山蒼茫空四隣風雲激壯志枯槁驚常倫
聞君自天來目張氣益振亞夫得劇孟敵國空無人
捫蝨對桓公願得論悲辛大塊方噫氣何辭鼓青蘋
斯言儻不合歸老漢江濱

本家隴西人先爲漢邊將功畧蓋天地名飛青雲上
苦戰竟不侯當年頗悵悵世傳崆峒勇氣激金風壯
英烈遺厥孫百代神猶主十五觀奇書作賦凌相如

龍顏惠殊寵麟閣憑天居晚途未云已躑躅遭讒毀
想像晉末時崩騰胡塵起衣冠陷鋒鏑戎虜盈朝市
石勒窺神州劉聰劫天子撫劔夜吟嘯雄心日千里
誓欲斬鯨鯢澄清洛陽水六合灑霖雨萬物無凋枯
我揮一盃酒自笑何區區因人耻成事貴欲決良圖
滅虜不言功飄然陟蓬壺惟有安期烏雷向滄海隅
孟浩然荆門上張丞相一首

共理分荆國招賢媿楚材召南風更闡丞相閣還開
觀止欣眉睫沉淪拔草萊坐登徐孺榻頻接李膺杯
始慰蟬鳴柳俄看雪間梅四時年籥盡千里客程催

日下瞻歸翼沙邊厭曝腮佇聞宣室召星象復中台
岑參左僕射相國冀公東齋幽居一首

丞相百僚長兩朝居此官成功雲雷際翊聖天地安
不矜南宮貴祇向東山看宅占鳳城勝窓中雲嶺寬
午時松軒夕六月藤齋寒玉珮胥女蘿金印耀牡丹
山蟬上衣桁野鼠緣藥盤有時披道書竟日不着冠
幸得趨省闈常欣在門闌何當復持衡短翮期風搏

僕射

岑參送郭僕射節制劍南一首

鉄馬環紅纓幡旗出禁城明王親授鉞丞相欲專征

玉饌天厨送金杯御酒傾劔門乘嶮過閣道踏空行
山鳥驚吹笛江猿看洗兵曉雲隨去陣夜月逐行營
南仲今時往西戎計日平將心感知已萬里寄懸旌

左丞

杜甫贈韋左相文濟一首

左轄頻虛位今年得舊儒相門韋氏在經術渾臣頂
時儀歸前列天倫恨莫俱鴿原荒宿草鳳沼接亨衢
有客雖安命衰容豈壯夫家人憂几杖甲子混泥途
不謂矜餘力還來謁大巫歲寒仍碩遇日暮且蜘蛛
老驥思千里飢鷹待一呼君能微感激亦足慰蒸蕪

尚書

沈佺期和戶部岑尚書參迹樞揆一首

大君制六合良佐參萬機大業未開忝臣道日光輝
鍾鳴和鼎日家聲衆所歸漢章顯楚劔鄼武襲緇衣
理識當朝遠文華振古稀風雲神契合舟楫道心微
廟堂喜容與時物逝芳菲御柳垂僊掖公槐覆禮闈
昔陪鴛鷺後今望鵷鵬飛徒御清風頌巴歌聊自揮

岑參遇梁州奉贈張尚書大夫公一首

漢中二良將今昔各一時韓信此登壇尚書復來斯
手把銅虎符身總丈人師錯落北斗星照曜黑水湄

英雄若神授大材濟特危頃歲遇雷雲精神感靈祇
勲業振青史恩德繼鴻私羌虜昔未平華陽積僵屍
人煙絕墟落鬼火依城池巴漢空水流褒斜惟鳥飛
自公布德政此地生光輝百堵創閭里千家恤惻嫠
層城重鼓角甲士如熊羆坐嘯風自調行春雨仍隨
芄芑麥苗長藹芑桑葉肥浮客相與來群盜不敢窺
何幸承嘉會小年即相知富貴情易踈相逢心不移
置酒宴高館嬌歌雜青絲錦席繡拂廬玉盤金屈卮
春景透高戟江雲篲長麾攬馬嘶柳陰美人映花枝
門傳大夫印世擁上將旗承家令名揚許國苦節施

戎幕寧久駐台階不應遲別有彈冠士希君無見遺
杜甫秋日荆南送石首薛明府辭浦告别奉
寄薛尚書頌德叙懷斐然之作三十韻一首
南征爲客久西候別君初歲滿歸鳥鳴秋來把鴈書
荆門留美化姜被就離告聞道和親人垂名報國餘
連枝不日並八座幾時除往者胡星孛恭惟漢網疎
風塵相傾洞天地一丘墟殿瓦鴛鴦圻宮簾翡翠虛
鈎陳摧傲道槍纍失儲胥文物陪巡狩親賢病拮据
公時呵禦猱首唱却鯨魚勢愜宗蕭相材非一范睢
屍填太行道血走浚儀渠溢口師仍會函閔憤口攄

紫微臨大角皇極正乘輿賞從頻峨冕殊私再直廬
豈惟高衛霍曾是接應徐降集翻翔鳳追攀絕衆狙
侍臣隻宋王戰策兩穰苴鑿澈勞懸鏡荒蕪已荷鋤
嚮來披述作重此憶吹噓白髮中凋喪青雲亦卷舒
經綸功不朽跋涉體何如應訝耽湖橘常餐占野蔬
十年嬰藥餌萬里狎樵漁楊子淹投閣鄒生惜曳裾
但驚飛熠燿不記改蟾蜍煙雨封巫峽江淮畧孟諸
湯池雖險固遼海尚闐淤努力輸肝膽休煩獨起予

侍郎

宋高送朔方何侍郎一首

唐詩類苑 卷之十四
開道雲中使乘驄往復還河兵守陽日塞虜失歸山
拜職嘗隨驃銘功不讓班旋聞受降日歌舞入蕭關

卽中

岑參送張郎中赴隴右觀省卿公一首

中郎鳳一毛世上獨賢豪弱冠已銀印出身唯寶刀
還家卿月迥度隴將星高幕下多相識邊書醉懶操

楊浚贈李郎中一首

仙卽早朝退直省卧南軒院竹自成賞階庭寂不喧
焚香開後閣起草閉前門禮樂風流美光華星位尊
榮蕪朱紱貴交乃布衣存是日登龍客無忘君子恩

張子容贈司勳蕭郎中一首

作相開黃閣爲郎奏赤墀君臣道合體父子貴同時
國以推賢答家無凶舉疑鳳池真水鏡蘭省得華滋
未覩風流日先聞所賦詩江山看謝眺花木媚丘遲
吏部來何暮王言念在茲丹青無不可霖雨亦相期
昔我投荒處孤煙望島夷群鷗終日狎落葉數年悲
漁父留歌詠江妃入興詞今將獻知己相感勿吾欺

杜甫贈北都蕭卽中十兄一首

有美生人傑由來積德門漢朝丞相系梁日帝王孫
蘊藉爲郎久魁梧秉哲尊詞華傾後輩風雅藹孤鶩

唐詩卷之十一
宅相榮姻戚兒童惠討論見知真自幼謀拙愧諸昆
漂蕩雲天闊沉埋日月奔致君時已晚懷古意空存
中散山陽鍛愚公野谷村寧紆長者轍歸老任乾坤
員外

王維送陸員外一首

郎署有伊人居然古人風天子顧河北詔書除征東
拜手辭上官緩步出南宮九河平原外七國薊門中
陰風悲枯桑古塞多飛蓬萬里不見虜蕭條胡地空
無爲費中國更欲邀奇功遲七前相送握手嗟異同
行當封侯歸肯訪南山翁

李頎寄司勳盧員外一首

流漸臘月下河隰草色新年發建章秦地立春傳太
史漢宮題柱憶仙郎歸鴻欲度千門雪侍女新添五
夜香早晚薦雄文似者故人今已賦長揚

王灣晚春詣蘇州贈武員外一首

蘇臺憶季常飛棹歷江鄉持此功曹掾初離華省郎
貴門生禮樂明代秉文章嘉璧位先進鴻儒名重揚
援從姻戚貶豈失忠信妨萬里行驥足十年睽鳳翔
迴遷翊元聖入拜佇惟良別業對南浦群書滿北堂
意深投轄盛才重接筵光陋學叨鉛簡弱齡詞翰場

唐詩類苑 卷之十四 贈官部 九 蘇頌周
初馳勞舊國顏衰別殊方際晚雜氛散殘春衆物芳
烟和踈樹滿雨續小溪長旅拙感成慰通賢願不忘
從來琴曲罷開匣爲君張

杜甫寄李十四員外布十二韻一首

名參漢望苑職迷景題輿巫峽將之郡荆門好附書
遠行無自苦內熟比何如正是炎天闊那堪野館踈
黃牛平駕浪盡鷁上凌虛試待盤渦歌方期解纜初
悶能過小徑自爲摘嘉蔬渚柳元幽僻村花不掃除
宿陰繁素捺過雨亂紅葉寂上夏先晚冷上風有餘
江清心可瑩竹冷髮堪梳直作移巾几秋帆發弊廬

吏部

蘇頌送吏部李郎中東歸一首

陌上有光輝披雲向洛畿賞來榮宦從別至惜分飛
泉溜含風急山煙帶日微茂曹今去矣人物喜東歸

孟浩然上張吏部一首

公門世緒昌才子冠裴王出自平津邸還爲吏部郎
神仙餘氣色列宿動輝光夜直南宮靜朝遊北禁長
時人窺水鏡明主賜衣裳翰苑飛鸚鵡天池待鳳凰

張諤贈吏部孫員外濟一首

天子愛賢才星郎入拜來明光朝半下建禮直初回

名帶含香發文隨綺幕開披雲自有鏡從此照仙臺
南部

杜甫贈裴南部一首

塵滿萊蕪甌堂橫單父琴人皆知飲水公輩不偷金
梁獄書應作秦臺鏡欲臨獨醒時所嫉群小謗能深
卽出黃沙在應須白髮侵使君傳舊德已見直繩心

黃門

岑參送嚴黃門拜御史大夫再鎮蜀川兼覲

省一首

授鉞辭金殿承恩繼玉墀登壇漢主用講德蜀人思

副相韓安國黃門向子期刀州重入夢劔閣再題詞
春草連青綬晴花間赤旗山鶯朝送酒江月夜供詩
許國分憂日榮親色養時蒼生望已久來去不應遲

給事

盧僎送蘇八給事出牧徐州相國請出同芳

韻一首

金鼎厲元方瓌闈遠季常畏盈聊出守分命乃維良
曉騎辭朝連春帆向楚長賢哉謙自牧天下詠餘芳

王維酬郭給事一首

洞門高閣霽餘輝桃李陰上柳絮飛禁裡踈鍾官舍

唐詩類苑 卷之十四 雜詩
晚省中啼鳥吏人稀
晨搖玉珮趨金殿
夕奉天書拜
瑣闈強欲從君無
那老將因卧病
解朝衣

常侍

杜甫奉寄高常侍一首

汶上相逢年頗多
飛騰無柰故人何
總戎楚蜀應全
未方駕曹劉不啻過
今日朝廷須汲黯
中原將帥憶
庶頗天涯春色催
遲暮別淚遙添錦水波

諫議

宋之問宋公宅送窰諫議一首

宋公爰創宅
庾氏更誅茅
間出人三秀
平臨楚四郊

漢臣來絳節
荆牧動金鑊
樽溢官城酒
笙裁曲沃匏
露荷秋變節
風柳夕鳴稍
一散陽臺雨
方隨越鳥巢

杜甫敬贈鄭諫議十韻一首

諫官非不達
詩義早知名
破的由來事
先鋒孰敢爭
思飄雲物外
律中鬼神驚
毫髮無遺恨
波瀾獨老成
野人寧得所
天意薄浮生
多病休臨服
冥搜信客旌
築居仙縹緲
旅食歲崢嶸
使者求顏闔
諸公厭禰衡
將期一諾重
歛使寸心傾
君身途窮哭
宜憂阮步兵
岑參送李司諫歸一首

別酒爲誰香
春官駁正即
醉經秦樹遠
夢怯漢川長

雨過風頭黑雲開日脚黃知君解起草早去入文昌
補闕

杜甫贈陳二補闕一首

世儒多汨沒夫子獨聲名獻納開東觀君王問長卿
皂鵬寒始急天馬老能行自到青冥裏休看白髮生

杜甫奉答岑參補闕見贈一首

窈窕清禁闕罷朝歸不同君隨丞相後我往日華東
冉七柳枝碧娟七花蘂紅故人得佳句獨贈白頭翁

拾遺

岑參寄左省杜省拾遺一首

聯步趨丹陛分曹限紫微曉隨天仗入暮惹御香歸
白髮悲花落青雲羨鳥飛聖朝無闕事自覺諫書稀

顏真卿送耿湋拾遺聯句一首

堯舜逢明主嚴徐得侍臣分行三事接高興栢梁新
纈楚國千山道秦城萬里人鏡中看齒髮河內有煙
塵漳望關飛青翰朝天憶紫宸喜來歡宴洽愁去詠
歌頻真顧盼情非一睽携處亦顰吳興賢太守臨水
最殷勤漳

舍人

徐彥伯贈劉舍人古意一首

唐詩卷之十四
支牀闕靈鳥文章世所稀
巢君碧梧樹舞君青嶺關
或高鳳池樂撫翼更西飛
鳳池環禁林仙閣霧沉沉
璇題激流目珠綴綿清陰
郁穆帝言重熒煌台座深
風張丹鳳翮月弄素琴音
雙彩結不散孤英跂莫尋
浩歌在西省經傳恣潛心

杜甫贈獻納起居田舍人澄一首

獻納司存雨露邊地分清切任才賢
舍人退食收封事宮女開函近御筵
曉漏追趨青瑣闥晴窓點檢白雲篇
楊雄更有河東賦唯待吹噓送上天

中書

褚朝陽奉上徐中書一首

中禁仙池越鳳凰池邊詞客紫微郎
既能作訟雄風起何不時吹蘭蕙香

起居

薛奇童和李起居秋夜之作一首

過庭聞禮日趨侍記言回獨卧玉窓前
卷簾殘雨來高秋南斗轉涼夜北堂開
水影入朱戶螢光生綠苔簡成良史筆
年是洛陽才莫重白雲意時人許上台

學士

張九齡集賢書院成奉勅送張說上集賢學

唐詩苑 卷之十四 賜宴序

集賢殿者本集仙殿也上不以惟睿作聖而猶垂意好學用相必本於經術圖王亦始於師臣及乎鴻生碩儒博聞多識之士自開元肇建以迄于今大用徵集煥乎廣內而聽政餘暇式燕在茲忠臣嘉賓得盡心之所聰明文思有光被之德故下以道親上亦歡甚卽於御座爰發德音以爲候彼神人事雖前載傳於方士言因不經派改仙爲賢去華務實且有後命增其學秩是以集賢之庭更爲論思之室矣中書令燕國公外弼庶績以奉沃心之謀內講六經以成潤

色之業故得出入華殿師長翰林惟帝用臧固天所賴拜命之日荷寵有加降聖酒之壘下御厨之膳食以樂侑人斯德飽時則有侍中安陽公等承恩預焉學士右散騎常侍東海公等攝職在焉或高稷大賢或淵雲諸彦文王多士周室以寧武帝得人漢家爲盛而高視前古獨不在於今乎咸可賦詩以光鴻烈
玄宗集賢書院成送張說上集賢學士賜宴

得珎字一首

廣學開書院崇儒引席珎集賢昭衮職論道命台臣
禮樂公今古文章革舊新獻酬尊俎列賓主位班陳

唐詩卷之十四
節變雲初夏時移氣尚春所希光史冊千載仰茲辰
常述奉和聖製送張說上集賢學士賜宴得
華字一首

修文中禁起改字令名加台座徵人傑書坊應國華
賦詩開廣宴賜酒酌流霞雲散明金闕池開照王沙
掖垣留宿鳥溫樹綴餘花謬此天光及銜恩醉日斜
源乾曜奉和聖製送張說上集賢學士賜宴
得迎字一首

盛業光書府徵人畫國英司綸賢得相群俊學爲名
寵命垂天錫崇恩發睿情薰風清禁禦文殿述皇明

日霽庭陰出池曛水氣生歡娛此無限詩酒自相迎
常抗奉和聖製送張說上集賢學士賜宴得
西字一首

廣庭臨壁沼多士侍金閨英宰文儒叶明君日月齊
集賢光首拜改殿發新題早夏初移律餘花尚拂蹊
壺觴接雲上經術引關西聖德鴻名遠將陪玉檢泥
裴漼奉和聖製送張說上集賢學士賜宴得
昇字一首

問道圖書盛尊儒禮教興石渠因學廣金殿爲賢昇
日月恩光照風雲寵命膺謀謨言可範舟楫事斯憑

唐詩類苑 卷之十四
宴喜明時洽光輝湛露凝大哉堯作主天下頌歌稱
李暉奉和聖製送張說上集賢學士賜宴得
催字一首

偃武堯風接崇文漢道恢集賢更內殿清選自中台
佐命留侯業詞華博物才天厨千品降御酒百壺催
鷓鷯方成列神仙喜暫陪復欣同拜首叨此頌良哉

劉昇奉和聖製送張說上集賢學士賜宴得
賓字一首

圖書應明主策府宴嘉賓台耀臨東壁乾光自北辰
網羅窮象繫述作究天人聖酒千鍾洽仙厨百味陳

成山徒可仰涉海詎知津幸逢文教盛還覩頌聲新
賀知章奉和聖製送張說上集賢學士賜宴
得謨字一首

西學垂玄覽東堂登聖暮天光燭武殿時宰集鴻都
枯朽霑皇澤翺飛舞帝梧跡同遊汗漫榮是拔泥塗
三歎承湯鼎千歡接舜壺微軀不可答空欲詠依蒲
王翰奉和聖製送張說上集賢學士賜宴得
筵字一首

東堂起集賢貴得俊神仙首命台階老將崇御府員
送人鏘玉佩中使拂瓊筵和樂熏風解湛恩時雨連

長材成磊落短翮強翩躩徒仰蓬萊地何階不讓緣
趙東曦奉和聖製送張說上集賢學士賜宴

得蓮字一首

淺術方觀海深恩忽見天學開丹殿籍名與石渠賢
良輔膺休命微生謬採甄春餘仍哢鳥夏近未舒蓮
牋札來宸禁衣冠集詔筵史臣知醉德欲記升平年
李元紘奉和聖製送張說上集賢學士賜宴

得私字一首

碩儒延鳳沼金馬被鴻私饌玉趨丹禁牋花降紫墀
銜恩傾旨酒鼓舞咏康時暫纂群書輯逾昭盛業丕

接筵欣有命擯管愧無詞自驚一何幸太陽還及葵
程行謚奉和聖製送張說上集賢學士賜宴
得迴字一首

聖主崇文化銚匕得盛才相因歸夢立殿以集賢開
象繫微言闡詩言至道該堯樽承帝澤禹膳自天來
禮洽歡逾長風恬暑更迴國朝將舜頌同是一康哉
陸堅奉和聖製送張說上集賢學士賜宴得

今字一首

聖主崇文教層霄降德音尊賢澤既厚式宴寵逾深
復有夔龍相良哉簡帝心得人惟邁昔多士諒惟今

唐詩卷之十四
書殿榮光滿儒門喜氣臨顧惟成濫次徒此按衣簪
蕭嵩奉和聖製送張說上集賢學士賜宴得

登字一首

帝曰簡才能旌賢在股肱文章體一變禮樂道逾弘
芸閣英華入賓門鴛鴦登恩筵過所望聖澤實超恒
夏葉開紅藥餘花發紫藤微臣亦可幸叨此預文明
褚琇奉和聖製送張說上集賢學士賜宴得

風字一首

講習延東觀趨陪盛北宮推師恢帝則敷教入天工
宣室恩常異金華禮更崇洞門清永日華綬接徽風

蓮降堯厨翠榴看舜酒紅文思光萬宇高議待升中
蘇頲奉和聖製送張說上集賢學士賜宴得
茲字一首

肅七金殿稟招賢固在茲鏘七石渠內序拜亦同時
燕賜勤談道文成貴說詩用儒今作相敦學舊爲師
下濟天光近中來帝渥滋國朝良史載能事日論思
徐堅奉和聖製送張說上集賢學士賜宴得
虛字一首

崇文德化洽新殿集賢初庸菲叅喜選首濫承明廬
殊私光輔弼榮送到簪裾座引中厨饌杯錫上樽餘

唐詩卷之十四 贈官部
翠葉濃丹苑晴空卷碧虛忝同文史地願草對封書

張說奉和聖製送赴集賢院賜宴得輝字一首

侍帝金華講千齡道固稀位將賢士設書共學徒歸
首命深燕隗通經淺漢常列筵榮賜食送客愧儒衣
賀燕窺簷下遷鶯入殿飛欲知朝野慶文教日光輝

杜甫畝贈集賢院崔于二學士一首

昭代將垂白途窮及叫闈氣衝星象表詞感帝王尊
天老書題目春官駘討論倚風遺鴟路隨水到龍門
竟與蛟螭雜寧無鷲雀喧青雲猶契閣陵厲不飛翻

儒術誠難起家聲庶已存故山多藥物勝槩憶桃源
欲整還鄉旆長懷禁掖垣謬稱三賦在難述二公恩

杜甫贈翰林張四學士一首

翰林通華蓋鯨力破滄溟天上張公子宮中漢客星
賦詩拾翠殿佐酒望雲亭紫誥仍蕪縮黃麻似六經
內分金帶赤恩與荔枝青無復隨高鳳空餘泣聚螢
此生任春草垂老獨漂萍儻憶山陽會悲歌在一聽

秘書

杜甫贈李八秘書別三十韻一首

往時中補右扈蹕上元初反氣凌行在妖星下直廬

唐詩卷之十一
六龍瞻魏闕萬騎略姚墟玄朔巡天步神都憶帝車
一戎纔汗馬百姓免爲魚通籍蟠螭印差肩列鳳輿
事殊迎代邸喜異賞朱虛寇盜方歸順乾坤欲宴如
不才同補袞奉詔許牽裾鴛鷺叨雲閣騏驎滯玉除
文園多病後中散舊交踈颺泊哀相見平生意有餘
風煙巫峽遠臺榭楚宮虛觸目非論故新文尚起予
清秋凋碧柳別浦落紅蕖消息多旗幟經過歎里閭
戰連唇齒國軍急羽毛書幕府籌頻問山家藥正鋤
台星入朝謁使節有吹噓西屬災長弭南翁憤始摠
對敷抗士卒乾沒費倉儲勢藉兵須用功無禮忽諸

御鞍金駮裊宮硯玉蟾蜍拜舞銀鈎落恩波錦帕舒
此行非不濟良友昔相於去棹依顏色公流想疾徐
沉綿疲井舊倚薄似樵漁乞米煩佳客鈔詩聽小胥
杜陵斜晚照滴水帶寒淤莫話青溪髮蕭七白映梳

校書

杜甫送李校書二十六韻一首

代北有豪鷹生子毛盡赤淫注騏驎兒尤異是龍脊
李舟名父子清峻流輩伯人間好妙年不必湏白晷
十五富文史十八足賓客十九授校書二十聲輝赫
衆中每一見使我潛動魄自恐二男兒辛勤養無益

乾元七年春萬姓始安宅舟也衣綵衣告我欲遠適
倚門固有望歛衽就行役南登吟白華已見楚山碧
藹藹咸陽都冠蓋日雲積何時太夫人堂上會親戚
汝翁草川光天子正別席歸期豈爛漫別意終感激
願我蓬室姿謬通金閨籍小才習性懶晚節慵轉劇
每愁悔吝作如覺天地窄羨君齒髮新行已能夕惕
臨岐意頗切對酒不能喫迴身視綠野慘澹如荒澤
老鷹忍春飢哀號待枯麥時哉高飛燕絢練新羽翮
長雲濕裊斜漣水饒巨石無令軒車遲衰疾悲宿昔
岑參送祕省虞校書赴虞卿丞一首

花綬傍腰新閨東縣欲春殘書厭科斗舊閣別麒麟
虞坂臨官舍條山映吏人看居有知己坦復向平津

正字

孟浩然寄趙正字一首

正字芸香閣經過宛如昨幽人竹葉園歸卧寂無喧
高鳥能擇木羝羊謾觸藩物情今已見從此願無言

岑參送伯倫應制授正字歸一首

當年最稱意數子不如君戰勝時偏許名高人共聞
半天城北雨斜日灞西雲科斗皆成字無令錯古文

著作

杜甫別蔡十四著作一首

賈生慟哭後寥落無其人安知蔡夫子高義邁等倫
獻書謁皇帝志已清風塵流涕灑丹極萬乘爲酸辛
天地則瘡痍朝庭多正臣異才復間出周道日惟新
使蜀見知己別顏始一伸主人薨城府扶襯歸咸秦
巴道此相逢會我病江濱憶念鳳翔都聚散俄十春
我衰不足道但願子意陳稍令社稷安自契魚水親
我雖消渴甚敢忘帝力勤尚思未朽骨復覩耕桑民
積水駕三峽浮龍倚長津楊吟洪濤間仗子濟物身
鞍馬下秦塞玉城通北辰玄甲聚不散兵久食恐貧

窮谷無粟帛使者來相因若憑南轅使書札到天垠

杜甫題鄭十八著作文一首

台州地澗海冥冥雲水長和島嶼青亂後故人雙別
淚春深逐客一浮萍酒酣嬾舞誰相拽詩罷能吟不
復聽第五橋東流恨水皇陂岸北結愁亭賈生對鵬
傷王傳蘇武看羊陷賊庭可念此心懷直道也露新
國用輕刑禰衡實恐遭江夏方朔虛傳是歲星窮巷
悄然車馬絕案頭乾死讀書螢

贊善

杜甫贈韋七贊善一首

唐詩類苑卷之二十四 贈官
鄉里衣冠不乏賢杜陵帝曲未央前尔家最近魁三
象時論同歸尺五天北走關山開雨雪南遊花柳塞
雲煙洞庭春色悲公子蝦菜忘歸范蠡船

唐詩類苑第二十四卷終

唐詩類苑第二十五卷

仁和卓明卿澂父編輯

華亭張之象玄超

長洲毛文蔚豹孫同校

取官部

侍御

元希聲贈皇甫侍御赴都八首

東南之美生于會稽斗牛之氣蓄于昆溪有璵者玉
連城是齊有威者鳳非梧不棲
猗嗟衆珎以况君子公侯之胄心復其始利器長材

温儀俊峙

道心惟微厥用允塞德暉不泯而映邦國靜以有神
動而作則九臯千里其聲不忒

粵在古昔分官厥初刺邪矯枉非賢勿居稜稜直皆
烈七方書蒼玉鳴珮繡衣祭車

綽綽夫君是膺柱下准繩有望名器無假寵蓋伯山
氣雄公雅立朝正色俟我能者

載懷朋情常接閑宴好洽昆弟官聯州縣如彼松竹
春榮冬禧柯葉藹然不渝霜霰

會合非我閑山坐遠離鴻曉引別葉秋飛駢駢徐動

樽餞相依遠情超忽岐路光耀

金石其心芝蘭其室言語方間音徽自溢肅子風威
嚴子霜質贈言歲暮以保貞告

李頎送崔侍御赴京一首

綠槐陰長路駿馬垂青絲柱史謁承明翩翩將有期
千官大朝日奏事臨赤墀肅肅儀仗裏風生鷹隼姿
一從登甲科三拜皆憲司按俗又如此爲郎何太遲
送君暮春月花落城南陞惜別醉芳草前山勞夢思

李白贈潘侍御論錢少陽一首

繡衣柱史何昂藏鉄冠白筆橫秋霜三軍論事多引

納階前虎士羅千將雖無二十五老者且有一翁錢
少陽眉如松雪齊四皓調笑可以安儲皇君能禮此
最下士九州拭目瞻清光

儲光義同張侍御宴北樓一首

今之太守古諸侯出入雙旌垂七旒朝覽干戈時聽
訟莫延賓客復登樓西山漠漠崦嵫色北渚沉沉江
漢流良宵清淨方高會繡服光輝睨皂蓋魚龍恍惚
堦墀下雲霧杳冥窓戶外水靈慷慨行泣珠游女
飄思解珮滄滄低月半遙城落七踈星浦太清不恐
開襟悲楚奏願言吹笛退胡兵軒后青丘埋獫狢周

王白羽掃撥搶期君武節朝龍闕余亦翺翔歸玉京
宋之問送李侍御一首

行李恋庭闈乘軺振綵衣南登指吳服北走出秦畿
去國夏雲斷還鄉秋鴈飛旋聞郡計入更有使臣歸
岑參送裴侍御赴歲入京一首

羨他總馬郎元日謁明光立處聞天語朝回惹御香
臺寒松柏綠江暖柳條黃惜別津亭暮揮戈憶魯陽
岑參晦日陪侍御泛北池一首

春池浦復寬晦節耐邀歡月帶蝦蟇冷霜隨獬豸寒
水雲低錦席岸柳拂金盤日暮舟中散都人夾道看

岑參送趙侍御歸上都一首

驄馬五花毛青雲歸處高霜隨驅夏暑風逐振江濤
執簡皆推直勤王豈告勞帝城誰不恋回望動離騷

岑參送肅侍御先歸京一首

聞欲朝龍闕應須拂豸冠風霜隨馬去炎暑爲君寒
客淚題書落鄉愁對酒寬先憑報親友後月客長安

岑參送樊侍御使丹陽便覲一首

卧病窮巷晚忽驚驄馬來知君京口去借問幾時回
驛舫江風引鄉書海鴈催慈親應倍喜愛子在霜臺

岑參趙少尹南亭送鄭侍御歸東臺一首

紅亭酒甕香白面繡衣郎砌冷虫喧座簾踈雨到床
鍾催離興急絃逐醉歌長關樹應先落隨君滿路霜

岑參西亭送蔣侍御還京一首

忽聞驄馬至喜見故人来欲語多特別先愁計日回
山河宜晚眺雲霧待君開爲報烏臺客須憐白髮催
孟浩然和李侍御渡松滋江一首

南紀西江闊皇華御使雄截流寧假棹挂席自生風
寮案爭攀鷁魚龍亦避驄坐聽白雪唱翻入棹歌中

杜甫奉寄章十侍御時初罷梓州刺史東川
留後將復赴朝廷一首

唐詩類苑 卷之十五 職官部 四 蘇味道
淮海維揚一俊人金章紫綬照青春指揮能事回天
地訓練強兵動鬼神湘西不得歸閑羽河內允宜借
寇恂朝覲從容問幽側勿云江漢有垂綸

蘇味道贈封御史入臺一首

故事推三獨茲辰對兩闌夕林共鳴舞晨草接芳菲
盛府題清橐殊章動繡衣風連臺閣起霜就簡書飛
凜七當朝色行七滿路威唯當擊隼去復覩落鵬歸

張九齡酬趙二侍御史西軍贈兩省舊寮一

首

石室先鳴者金門待制同操刀嘗願割持斧竟稱雄

應敵兵初起綠邊虜欲空使車經隴月征旆繞河風
忽枉兼金訊非徒秣馬功氣清蒲海內聲滿栢臺中
顧已塵華省欣君震遠戎明時獨匪報嘗欲退微躬

卿

蘇頌送光祿姚卿還都一首

漢室有英台荀家多寵才九卿朝已入三子暮同來
不授綸爲草還司鼎用梅兩京王者宅駟馬日應迴

杜審言泛舟送鄭卿入京一首

帝坐蓬萊殿恩追社稷臣長安遙向日宗伯正乘春
相宅開基地傾都送别人行舟縈綠水列戟滿紅塵

唐詩卷之十五 取官部 五
蘇頲奉和同崔尚書贈大理陸卿鴻臚劉卿
見示之什一首

戲藻嘉魚樂棲梧高鳳飛類從皆有召聲應乃無違
美價逢時出奇才選衆稀避堂貽後政掃地發前幾
出曳仙人履還董侍女衣省中何赫奕庭際蒲芳菲
吏部端清鑒丞郎肅紫機會心歌咏是廻迹宴言非
比寺隣玄闕南城寫翠微參差交隱見髣髴接光輝
賓序嘗柔德刑苴已霽威巨源林下契不息自同歸

杜甫奉贈太常張卿均二十韻一首

方丈三韓外崑崙萬國西建標天地濶詣絕古今迷
氣得神仙迴恩承雨露低相門清議衆儒術大名齊
軒冕羅天闕琳瑯識介珪伶官詩必誦夔樂典猶稽
健筆凌鸞鷁銛鋒瑩鷲鴉友手皆挺拔公望各端倪
通藉踰青鎖亨衢照紫泥靈虬傳夕箭歸馬散霜蹄
能事聞重譯嘉謨及遠黎弼諧方一展班序更何躋
適越空顛躑游梁竟慘悽諺知終畫虎微分是醢鷄
萍泛無休日桃陰想舊蹊吹噓人所羨騰躍事仍睽
碧海真難涉青雲不可梯顧深慚鍛鍊才子辱提携
檻束哀猿呌枝驚夜鵲棲幾時陪羽獵應指釣璜溪

評事

杜甫贈崔十三評事公輔一首

飄飄西極馬來自
 溼洼池颺飄定山
 桂低徊風雨枝
 我聞龍正直道屈
 爾何為且有元戎
 命悲歌識者知
 官聯辭冗長行路
 洗歌危脫劍主人
 贈去帆春色隨
 陰沉鉄鳳關教練
 羽林兒天子朝侵
 早雲臺仗效移
 分軍應供給百姓
 日支離黠吏因封
 已公才或守雌
 燕王買駿骨渭老
 得熊羆活國名公
 在拜壇群寇疑
 冰壺動瑤碧野水
 失蛟螭入幕諸彥
 集渴賢高選且
 騫騰坐可致九萬
 起於斯復進出矛
 戟昭然開鼎彝

會看之子貴歎披
 及老夫衰豈但江
 曾决還思霧一
 暗塵生古鏡拂匣
 照西施舅氏多人
 物無斃困翻垂

金吾將軍

李白送白利從金吾董將軍西征一首

西羌延國討白起
 佐軍威劍决浮雲
 氣弓彎明月輝
 馬行邊草綠旌卷
 曙霜飛抗手凜相
 顧寒風生鉄衣

羽林將軍

岑參送羽林長孫將軍赴歙州一首

剖竹向江濱能名
 計日聞隼旗新刺
 史虎劍舊將軍
 驛舫宿湖月州城
 浸海雲青門酒樓
 上欲別醉醺七

唐詩類苑 卷之十五 職官部 六

李白送羽林陶將軍一首

將軍出使擁樓船江上旌旗拂紫煙
萬里橫戈探虎穴三杯拔劍舞龍泉
莫道詞人無膽氣臨行相贈繞朝鞭

將軍

劉希夷將軍行一首

將軍關轅門耿介當風立諸將欲言事
逡巡不敢入劍氣射雲天鼓舞振原隰
黃塵塞路起走馬追兵急彎弓從此去
飛箭如兩集截圍一百重斬首五千級
代馬流血死胡人抱鞍泣古來養甲兵
有事常討襲

乘我廟堂運坐使干戈戢敵凱歸京師
軍容何翕習

李白司馬將軍歌一首

狂風吹古月竊弄章華臺北路明星動
光彩南征猛將如雲霄手中電曳倚天劍
直斬長鯨海水開我見樓船壯心目頗似
龍驤下三蜀揚兵習戰張虎旗江中白浪如
銀屋身居玉帳臨河魁紫髯若戟冠崔嵬
細柳開營揖天子始知灞上為嬰孩羌笛橫
吹阿箛迴向月樓中吹落梅將軍自起舞長
劍壯士呼聲動九垓功成獻凱見明主丹青畫
像麒麟臺

李白歷陽壯士勤將軍名思齊歌一首并序

歷陽壯士勤將軍神力出於百夫則天太后召
見奇之授游擊將軍賜錦袍玉帶朝野榮之後
拜橫南將軍大臣慕義結十友即燕公張說館
陶公郭元振爲首余壯之遂作詩

大古歷陽郡代爲洪川在江山猶鬱盤龍虎祕光彩
蓄洩數千載風雲何靈靈特主勤將軍神力百夫倍
顏真卿裴將軍一首

大君制六合猛將清九垓戰馬若龍虎騰凌何壯哉
將軍臨八荒烜赫耀英才劍舞若遊電隨風榮且回
登高望天山白雲正崔嵬入陣破驕虜威名雄震雷

一射百馬倒再射萬夫開匈奴不敢敵相呼歸去來
功成報天子可以畫麟臺

崔顥霍將軍一首

長安甲第高入雲誰家居住霍將軍日晚朝迴擁賓
從路傍拜揖何紛紛莫言炙手手可熱須臾火盡灰
亦滅莫言貧賤即可欺人生富貴自一時一朝天子
賜顏色世事悠悠應始知

高適送渾將軍出塞一首

將軍族貴兵且強漢家已是渾耶王子孫相承在朝
野至今部曲燕支下控弦盡用陰山兒登陣常騎大

唐詩卷之十一
八在之十五
駝馬銀鞍玉勒繡螭弧每逐嫖姚破骨都李廣從來
先將士衛青未肯學孫吳傳有沙場千萬騎昨日邊
庭羽書至城頭畫角二四聲匣裏寶刀晝夜鳴意氣
能斗萬里去辛勤動作一年行黃雲白草無前後朝
建旌旗夕刁斗塞下應多俠少年關西不見春楊柳
從軍借問所從誰擊劍酣歌當此時遠別無輕繞朝
策平戎早寄仲宣詩

岑參玉門關蓋將軍歌一首

蓋將軍真丈夫行年三十執金吾身長七尺頗有鬚
玉門關城迥且孤黃沙萬里白草枯南隣犬戎北接

胡將軍到來備不虞五千甲兵膽力虜軍中無事但
歡娛暖羣繡簾紅地鑪織成壁衣花翟餽燈前侍婢
瀉玉壺金鎗亂點野醅酥紫綬金章左右趨問着卽
是蒼頭奴美人一雙閑且都朱唇翠眉映明眸清歌
一曲世所無今日喜聞鳳將雛可憐絕勝秦羅敷使
君五馬謾踟躕野草繡窠紫羅襦紅牙鏤馬對楊浦
玉盤纖手散作盧衆中誇道不會輸櫛上昂昂皆駿
駒桃花叱撥價最殊騎將獵向城南隅曠日射殺千
年狐我來塞外按邊儲爲君取醉酒剩沾醉爭酒盞
相喧呼忽憶咸陽舊酒徒

王維老將行一首

少年十五二十時步行奪取胡馬騎射殺山中白額
 虎肯效鄴下黃鬚兒一身轉戰三千里一劍曾當白
 萬師漢兵奮迅如霹靂虜騎崩騰畏疾藜衛青不敗
 由天幸李廣無功緣數奇自從棄置便衰朽世事蹉
 跎成白首昔時飛箭無全目今日垂楊生左肘路傍
 時賣故候瓜門前學種先生柳茫茫古木連窮巷遼
 落寒山對虎窟誓令踈勒出飛泉不似潁川空使酒
 賀蘭山下陣如雲羽檄交馳日夕聞節使三河募年
 少詔書五道出將軍試拂鉄衣如雪色聊持寶劍動

星文願得燕弓射天將耻令越甲鳴吳軍莫嫌舊日
 雲中守猶堪一戰立功勲

杜甫魏將軍歌一首

將軍昔著從事衫鉄馬駟突重兩銜被堅執銳畧西
 極崑崙月窟東嶰巖君門羽林萬猛士惡若哮虎子
 所監五年起家列霜戟一日過海収風帆平生流輩
 徒蠢蠢長安少年氣欲盡魏侯骨聳精爽緊華嶽峯
 尖見秋隼星纒寶校金盤陀夜馳大駟超天河撓搶
 縈惑不敢動翠旌雲旂相蕩摩吾爲子起歌都護酒
 闌挿劍肝膽露鈎陳蒼七風玄武萬歲千秋奉明主

唐詩卷之十一
臨江節十安足數

杜甫戲作花卿歌一首

成都猛將有花卿學語小兒知姓名目如快鶻風火
生見賊唯多身始輕綿州副使着柘黃我卿掃除
日平子璋鬪髀血模糊手提擲還崔大夫李侯重有
此節度人道我卿絕世無既稱絕世無天子何不喚
取守京都

王維贈裴旻將軍一首

腰間寶劍七星文臂上調弓百戰勲見說雲中擒黠
虜始知天上有將軍

岑參趙將軍歌一首

九月天山風似刀城南獵馬縮寒毛將軍縱博塲塲
勝賭得單于貂鼠袍

杜甫贈王十將軍承俊一首

將軍膽氣雄臂懸兩角弓纏結青驄馬出入錦城中
時危未受鉞勢屈難爲功賓客滿堂上何人高義同

李白贈郭將軍一首

將軍少年出武威入掌銀臺護紫微平明拂劍朝天
去薄暮垂鞭醉酒歸愛子臨風吹玉笛美人向月舞
羅衣疇昔雄豪如夢裡相逢且欲醉春暉

杜甫諸將軍五首

漢朝陵墓對南山胡虜千秋尚入關昨日王魚冢葬
地早時金盃出人間見愁汗馬西戎逼曾閃失旗北
斗閑多少材官守涇渭將軍且莫破愁顏

韓公本意築三城擬絕天驕拔漢旌豈謂盡煩回紇
馬翻然遠救朔方兵胡來不覺潼關隘龍起猶聞晉
水清獨使至尊憂社稷諸君何以荅昇平

洛陽宮殿化爲烽休道秦關百二重滄海未全歸禹
貢薊門何處覓堯封朝廷衮職誰爭補天下軍儲不
自供稍喜臨邊王相國肯銷金甲事春農

回首扶桑銅柱標冥冥氛祲未全銷越裳翡翠无消
息南海明珠久寂寥殊錫曾爲大司馬總戎皆挿侍
中貂炎風朔雪天王地只在忠良翊聖朝

錦江春色逐人來巫峽清秋萬壑哀正憶往時嚴僕
射共迎中使望鄉臺主恩前後三持節軍令分明數
舉杯西蜀地形天下險安危須仗出群材

陳子昂和陸明府贈將軍重出塞一首

忽聞天上將閑塞重橫行始返樓蘭國還向朔方城
黃金裝戰馬白羽集神兵星月開天陣山川列地營
晚風吹画角春色耀飛旌寧知班定遠獨是一書生

蘇頌同餞楊將軍兼源州都督御史中丞一首

右地接龍沙中朝任虎牙然明方改俗去病不爲家
將禮登壇盛軍容出院華朔風搖漢鼓邊月思胡笳
旗合無邀正冠危有觸邪當看勞旋日及此御溝花
都尉

高適別耿都尉一首

四十能學劍時人無此心如何耿夫子感激投知音
翩翩白馬來二月青草深別易小千里興酣輕白金
岑參送張都尉東歸一首

白羽綠弓弦半年只在邊還家劔鋒盡出塞馬蹄穿
逐虜西踰海平胡北到天封侯應不遠燕領豈徒然
郎將

岑參送劉郎將歸河東一首

借問虎賁將從軍凡幾年殺人寶劔缺走馬貂裘穿
山雨醒別酒閑雲迎渡船謝君賢主將豈忘輪臺邊
別將

高適送裴別將之安西一首

絕域眇難躋悠然信馬蹄風塵驚跋涉搖落怨睽携
地出流沙外天長甲子西少年無不可行矣莫悽悽

唐詩類苑 卷之十一 職官部 輕車

崔顥贈輕車一首

悠悠遠行歸經春涉長道
困冀柔始青洛陽蚕欲老
憶昨戎馬地別時心草草
烽火從北來邊城閉常早
平生少相遇未得展懷抱
今日杯酒間見君交情好
執戟

李白楚江黃龍磯南宴楊執戟治樓一首

五月分五洲碧山對青樓
故人揚執戟春賞楚江流
一見醉漂月三杯歌棹謳
桂枝攀不盡他日更相求
大總管

李义奉和幸望春宮送朔方大總管張仁亶一首

邊郊草正腓河朔有兵機
上宰調梅寄元戎細柳威
虎貔東道出鷹隼北庭飛
玉匣謀中野金輿下太微
投醪銜酌餞緝衮事征衣
勿謂公孫老行聞獻凱歸
李嶠奉和幸望春宮送朔方大總管張仁亶

一首

王塞征驕子金符命世臣
二軍張武旆萬乘餞行輪
猛氣凌雲朔崇恩降紫宸
投醪還結士辭第本忘身
露下鷹初擊風高鴈欲賓
方銷塞北侵還靖漠南塵

唐詩類苑 卷之十 和聖製幸望春宮送朔方大總管張

仁亶一首

命將擇耆年圖功勝必全
光輝萬乘餞威武二庭宣
中衢橫鼓角曠野蔽旌旃
推食天厨至投醪御酒傳
涼風過鳳苑殺氣下鷄田
分閫恩何極臨岐動睿篇
蘇頲奉和聖製幸望春宮送朔方大總管張

仁亶一首

北風吹早鴈日夕渡河飛
氣冷膠應折霜明草正腓
老臣帷幄筭元宰廟堂機
賤飲迴仙蹕臨戎解御衣
軍裝乘曉發師律候春歸
方佇勳庸盛天辭降紫微

鄭愔奉和聖製幸望春宮送朔方大總管張

仁亶一首

御蹕下都門軍麾出塞垣
長楊誇虜騎細柳按戎軒
睿曲風雷動邊威鼓吹喧
坐帷將闔外俱是報明恩
李迥奉和聖製幸望春宮送朔方大總管張

仁亶一首

地限驕南牧天臨餞北征
解衣延寵命橫劍搃威名
豹畧恭宸旨雄文動睿情
坐觀膜拜入朝夕受降城
節渡使

岑參奉送李太保兼御史大夫克渭北節渡

唐詩卷之十 職官部

使大保即太尉光弼第一首

詔出未央宮登壇近總戎上公周太保副相漢司空
弓抱關西月旗翻渭北風弟兄皆許國天地荷成功

高適酬河南節度使賀蘭大夫見贈之作一

首

高閣憑欄檻中軍倚旆旌感時常激切於已即忘情
河華屯妖氣伊瀍有戰聲媿無我難策多謝出師名
秉錢知恩重臨戎覺命輕股肱瞻列岳唇齒賴長城
隱隱摧鋒勢光光弄印榮曾連真義士陸遜豈書生
直道寧殊智先鞭忽抗衡楚雲隨去馬淮月尚連營

撫劍堪投分悲歌益不平從來重然諾况值欲橫行

杜甫奉送郭中丞兼太僕卿充隴右節度使

三十韻一首

詔發山西將秋屯隴右兵淒涼餘部曲燁赫舊家聲
鷓鴣乘時去驂騮顧主鳴艱難須上策容易即前程
斜日當軒蓋高風卷旆旌松悲天水冷沙亂雪山清
和虜猶懷惠防邊不敢驚古來於異域鎮靜示專征
燕冀奔封豕秦觸駭鯨中原何慘黷餘孽尚縱橫
箭人朝陽殿笳吟細柳營內人紅袖泣王子白衣行
宸極妖星動園陵殺氣平空餘金枕出無復總帷輕

唐詩卷之十 職官部 杜甫奉送郭中丞兼太僕卿充隴右節度使 三十韻一首

毀廟天飛雨焚宮火徹明罌魚朝共落榆栢夜同傾
三月師逾整群胡勢就烹瘡痍親接戰勇決冠垂成
妙譽期元宰殊恩具列卿幾時回節鉞戮力掃撓搶
圭竇三千士雲梯七十城耻非齊說客耳似魯諸生
通籍微班忝周行獨坐榮隨肩趨漏刻短髮寄簪纓
徑欲依劉表還疑厭禰衡漸衰那此別忍淚獨含情
廢邑狐狸語空村虎豹爭人頻墜塗炭公豈忘精誠
元帥調新律前軍厭舊京安邊仍扈從莫作後功名

朝集使

王維奉和聖製莫春送朝集使郡歸應制一

首

萬國仰宗周衣冠拜冕旒玉乘迎大客金節送諸侯
祖席傾三省寒衣向九州楊花飛上路槐色陰通溝
來預鈞天樂歸分漢主憂宸章類河漢垂象浦中州

副使

李白宣城送劉副使入秦一首

君卽劉越石雄豪冠當時淒清橫吹曲慷慨扶風詞
虎嘯俟騰躍鷄鳴遭亂離千金市駿馬萬里逐王師
結交樓煩將侍從羽林兒統兵捍吳越豺豹不敢窺
大勲音莫叙已過秋風吹秉鉞有季公凜然負英姿

寄深且戎幕望重必台司感激一然諾縱橫兩無疑
伏奏歸北闕鳴騶忽西馳列將咸出祖英僚惜分離
斗酒蒲四筵歌嘯宛溪湄君携東山妓我詠北門詩
貴賤交不易恐傷中園葵昔贈紫騮駒今傾白玉卮
同驩萬斛酒未足解相思此別又千里秦吳眇天涯
月明關山苦水劇隴頭悲借問幾時還春風入黃池
無令長相思折斷綠楊枝

岑參送張獻心充副使歸河西雜句一首

將門子弟君獨賢一從受命常在邊未年三十已高
位腰間金印色赭然前日承恩白虎殿歸來見者誰

不羨篋中賜衣十重餘案上軍書十二卷看君謀智
若有神愛君詞曲皆情新澄湖萬頃深見底清冰一
片光照人雲中昨夜使星動西門驛樓出相送玉瓶
素蟻膈酒香金鞍白馬紫遊韁花門南燕支北張掖
城頭磧雲黑送君一去天外憶

唐詩類苑第二十五卷終

烟颯翻雲黑 送天一去天

素艷翻西香 金輝白甲紫 麟亦門南燕 支北燕 琳

引水照入雲中 報文 曳星 煙西門 聽對出 卧 送 王 琳

昔有 柳 愛 我 隨 曲 背 柳 綠 空 月 前 所 不 見 瓜 欲 木 一

不羨 樹 中 親 文 十 畫 繪 卷 十 畫 書 十 二 卷 首 書 揚 啓



